

Broj: 12- 40-6-148-59 /20
Sarajevo, 27.03.2020. godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), te člana 18. Poslovnika o radu Federalnog štaba civilne zaštite br. 11-49/1-483-3/11 od 26.10.2011 godine i 12-02/10-542-4/17 od 04.10.2017. godine i Odluke Vlade Federacije Bosne i Hercegovine o proglašenju nesreće uzrokovane pojavom koronavirusa (COVID 19) na području Federacije BiH, V. broj 408/2020 od 16.03.2020. godine, Federalni štab civilne zaštite, donosi

N A R E D B U

1. Naređuje se policijskim službenicima Federalnog ministarstva unutrašnjih poslova, kantonalnih ministarstava unutrašnjih poslova i službenicima sudske policije Federacije Bosne i Hercegovine da lica koja su lišena slobode zbog osnovna sumnje da su počinili krivično djelo ili su lišeni slobode naredbom nadležnog suda, prije dovođenja u prostorije policijskog organa, odnosno sudske policije, tužilaštva ili suda prvenstveno sprovedu u najbližu zdravstvenu ustanovu radi obavljanja trijažnog pregleda.
2. Zadužuju se i druge agencije koje privode lica iz tačke 1. da postupaju u skladu sa ovom naredbom.
3. Trijažni pregled iz tačke 1. ove naredbe provodi se u odnosu na lica lišena slobode kojima je prethodno od strane nadležnog organa određena mjera izolacije ili samoizolacije, kao i druga lica za koja se sumnja da su oboljela od korona virusa.
4. Naređuje se zdravstvenim ustanovama da trijažni pregled iz tačke 1. ove naredbe izvrše prioritarno u odnosu na druge preglede, osim u slučaju hitnosti postupanja radi zaštite života pacijenta.
5. Naređuje se zdravstvenim ustanovama iz tačke 4. da u slučaju sumnje da je lice lišeno slobode zaraženo korona virusom daju daljnje upute za postupanje sa tim licem što će se iskoordinirati sa nadležnim organom koji je izvršio lišenje slobode.
6. Naređuje se službenicima sudske policije da prije dovođenja lica lišenog slobode u pritvorske prostorije kazneno popravnog zavoda, blagovremeno obavijesti nadležni kazneno popravni zavod koji je dužan pripremiti prostor za izolaciju lica lišenog slobode od drugih lica i poduzeti druge mjere za primopredaju lica sa ciljem zaštite zaposlenih i drugih osoba.
7. Naređuje se organima iz tačke 1. ove naredbe da u cilju zaštite zdravlja zaposlenika i drugih lica osiguraju minimum potrebnih sredstava za higijensko

epidemiološku zaštitu službenika koji neposredno rade sa zaraženim ili potencijalno zaraženim licima (maska, rukavice, zaštitno odijelo, naočale ili vizir) i propišu internu proceduru postupanja sa licima iz tačke 1. ove naredbe.

8. Naređuje se organima iz tačke 1. da izvrše mjere dezinfekcije i druge epidemiološko - sanitarne mjere u odnosu na prostorije u kojima borave lica lišena slobode.
9. Za provođenje ove naredbe odgovorni su organi iz tač. 1., 2., 5. i 6. ove naredbe.
10. Zadužuju se odgovorna lica iz tačke 9. ove naredbe da putem Federalnog operativnog centra civilne zaštite izvještavaju Federalni štab civilne zaštite o svim poduzetim mjerama na izvršavanju ove naredbe.
11. Ova naredba stupa na snagu danom donošenja.



DOSTAVITI:

- Vlada Federacije BiH,
- Federalno ministarstvo unutrašnjih poslova,
- Federalna uprava policije,
- Kantonalna ministarstva unutrašnjih poslova,
- Sudska policija Federacije BiH,
- Kazneno popravne ustanove u Federaciji BiH,
- Koordinaciono tijelo BiH za zaštitu i spašavanje,
- Kantonalni štabovi civilne zaštite,
- Općinski/gradski štabovi civilne zaštite,
- a/a